

皇清文穎續編

皇清文頴續編卷六十二

詩

四言詩

太上皇帝紀元週甲授受禮成恭紀

謹序

朱珪

欽惟

太上皇帝陛下德崇功峻福備釐蕃

天篤

一人慶超萬古六十一載之

智臨八十六齡之

仁壽未嘗倦勤不渝夙禱以爲初誠已達於

天

祖嘉會創覲乎

躬親先以乾隆乙卯九月辛亥朏

冊立

嘉親王爲皇太子

詔以明年爲嘉慶元年正月元日乃

傳位於

嗣皇帝

堯光

舜華

聖作

明述天地訢泰日月重離六合鏡燭萬物熙罔邁古

烈今際於一時

臣

竊稽古唐虞夏之禪讓雖天

下爲公乎然聖聖未萃於一家厥後內禪之舉
若唐之高祖睿宗宋之高宗孝宗或迫於事勢
或怙於宴安岌岌旬旬概不足道蓋曠典若斯
之難也惟我

太上皇帝久道無疆

皇帝親承燕翼

大德

大孝彌綸合宙其在易離之象傳曰明兩作大人以

繼明照於四方未足喻斯景曜也其惟純乾合
撰九五之大人與九二之大人聲叶氣孚樞機
符節孔子贊之曰夫大人者與天地合其德與
日月合其明與四時合其序先天而天弗違後
天而奉天時至矣盛矣

天哉

皇哉自生民以來未有

天佑民悅若斯之信順者也

臣

宿留粵疆不獲躬抃

舞於

階廉之下目覲

盛典竊不自揆作詩一篇以抒其歡躍聳跂之誠謹
拜手稽首以獻其詩曰

天篤

乾隆丙辰龍首

三祖

兩宗付畀罔盈二十五齡告

天升標祝幹支周傳重於後乃臨萬方

乾綱坤紐曰誠爲根一貫億結

大德四得

大功十取貞符交合五中十偶福備範疇策申章節
簡在元良覽揆初韻養正育德箴師賦駿格於
天

祖書名金節六十年秋歲在乙卯

叶

九月吉臚

御門宣剖

冊

嘉親王主器孚缶嘉慶改元初哉終受百官跪聆

皇儲色歛陳詞孺慕中外稽叩請待期頤

太上曰否籲

穹而孚天位曷狃布告天下朔南暘柳柔兆執徐孟
陬指斗重光重輪合璧娠口

太上御殿金聲玉扣

皇帝拜升

親佩璽綬庭颺歡臚鞮鞻踰風

帝躬三朝敬聽

天牖

太上曰咨汝作元后爲

天子孫爲民父母信

天主人俾我單厚

四郊躬親捧盈奠鑒曰雨曰暘黍稷薿爲民祈禱

呼吸啞啾我

祖開基長白之阜

寶冊

寶籙羹見牆走禰嘗大裕饋食盥盥無念爾

祖克擔克負予臨兆民六索御朽五免正供三複漕
數蠲逋京坻振荒哺穀四巡斂耕四推藉耦宵旰其
勤扶苗去莠天工人代股肱左右庶獄庶慎虎賁馬
趣八枋在握周諏徹難

天命

天討何好何醜予豈好文三倉二酉經爲治本史鑒
前轍游藝百家薈淵萃藪四庫搜羅七閣拱科石經
石鼓摩挲岫嶺幾餘八集充棟壓轍載道紀實非夸
富有子豈好武從其肩牡詰戎講事師桓士赴歲獮
木蘭射虎哨磨四十九藩馬牛扞擷其有不順出師
征陪伊犁犁庭金川馘醜探河真源拔達回部廓喀
歸降金瓶定閩鯤身鯢封驃緬關敏安南降王躬奉
箕帚域內宥奸草薶伏莽三危殺竄貳負桎梏匪事

佳兵蕩滌瘕痞惟

天佑順百里半九議功紹封膏澤枯癯惇敘本支惟
孝則友五福五代來昂飴乳此其大端餘不覩護禮
樂明備可法可守驚軒歸政耳提面誘若勤垣墉惟
塗丹黝若作稽田惟終朕畝曷其弗敬器重德輶
皇帝敬承執中拱手

家法

心傳後樂允恟天揖時揖兄弟諸舅羣工羣黎無逸

無咎乃開

嘉會重宴千叟

御皇極殿

皇帝進酒元老鮐鰓國耆鄉耆麟駟蹈舞角亢蚺鰐
天下大飭衢尊醉詒惟

太上聖欽明淵昉與

天合契至誠悠久惟

太上神時幾洞明先知先覺不待察糾惟

太上文雲章壽考

附

耆天當午

姚璣旋丑惟

太上武發蹤使喉四極砥屬岡崑澤泐惟

皇帝孝視膳餽滫無聲聽虛無言喻歐惟儉惟勤克

剛克桀太和翔洽四靈郊椒

臣歌

盛德虎拜圭卣

堯舜性成乾坤情儉億兆萬年興

天同壽

臨雍講學詩

沈初

聖承

聖訓

道洽

誠孚鴻儀彪奕

闔澤涵濡彝倫攸敘

文命誕敷用熙丕績式廓元模

祇敬

先師

盛德相符率由成憲輯綏

帝圖萬流仰鏡百辟承趨湯湯辟雍祁祁生徒陶淑
雅化千羽詩書

立謨定典光夏超虞於時仲春惠風和美菁莪在阿
新萍泛汜樂我

皇道烝我髦士

帝有恩言遵奉

勅旨乃召秩宗乃詢柱史乃練時日乃攷典禮俾聞
風者欣焉至止俊乂鷺立儒臣鵠峙洋洋縉紳偕偕
士子瞻就

雲日觀光槐市惟

聖建學恒久如

天璧圓水滙圖書之淵以明以和宏規無前門設八
達堂度九筵飛檐巖巖清流涓涓綠槐蔚秀碧藻相

鮮精廬綺合材館雲連廣延國胄樂毓英賢獵碣

重排石經

賜鐫

立極八垓

垂教億年

錫福

皇躬弼時仔肩

鑾輿夙駕時乘六龍聿伐鼉鼓聿鏗華鐘鉤陳肅衛

霓旌拂空

鳳蓋參麗鸞聲玲瓏警蹕清穆天官景從廣衛似砥
微塵扇風煌煌扈扈翼翼雍雍

詔開橋門視周聽聰

恩眷成均

澤逮瞽宗卿雲靄萃曉日瞳矓

皇帝莅焉禮行

丹殿蘋蘩以湘黍稷式薦周范燦登器古非贗

頒自秘府光函敦龐簫管迭奏盡美盡善一字一音
訂訛作憲秩秩左右濟濟俊彥侑羽容覲簞業彩綯
奉璋執爵兩廡分獻几筵致虔典型如見

夫子之牆入聖之門

展謁眸容佩德履仁體符

燾載

知啟見聞

鏡宙納軌

調幕運鈞欽惟

聖學萬彙陶甄

受寶之歲籩豆肅親載修

祀典禮意彌敦

心源契合

盛儀是循爰

幸上庠載

觀東序崔巍棟宇綿亘堂廡

膚功

十全勒石紀

武

慶榜八開題名列樹經訓麗日

宸翰炳炬道德淵藪文藝林府放彌藏密周規折矩
惟

太上皇化成六字

皇帝遙承丕揚

鴻緒

聖覽周備

講座穆皇覺彼後覺大義聿張理挾其奧

教率厥常

皇極是錫

嘉言孔彰綜括體要性道文章旁搜遠紹入室升堂

大學至善明新挈綱義經教思容保无疆

閔論崇議卑漢薄唐郁郁巍巍

敷乃大訓鴻儒鉅彥快覩圖聽

躬踐聖域手握軒鏡開聾發瞶金聲玉振環林揚芬
圓海增潤需雲布

慈承筐繼進三舍聿升裔姓有慶賢書特擴

恩渥靡竟協氣旁流祓濯忻詠書圃翱翔禮園游泳
棫樸化茂芹藻芳映凡諸衿佩服膺儒行沐浴

膏澤同愛合敬

臣蒙

寵遇日侍

禁廷仰惟

聖哲文炳寰瀛

重華協

帝庶績旣凝

尊

親孝養恪恭稟承欽法

素王禮容樂聲無思不服盛軌鎬京日崑月寧藹藹
蒸蒸籥槃知陋蠡管抒誠思繼二典勒爲一經億萬

斯年敬頌治平

翰林勵職詩

謹序

王杰

臣

聞翰林院自唐代始立官杜佑通典未詳紀

載而唐書職官志亦以翰林學士無所隸而關
之馬端臨則謂前代所無之官當敘其所掌之
事以通於前代蓋以備顧問侍翰墨贊密命則
漢魏以來侍中領尚書事秘書監中書監之類
是也唐學士無定員自諸曹尚書及校書郎皆

充其選宋則又以唐所置集賢殿講讀之官隸之其官制沿革具見於程俱麟臺故事陳騭館閣錄元設集賢院復設翰林院兼國史蓋仍宋三館遺制明初選進士爲庶吉士有中書承勅等名後乃專授翰林官俾就文淵閣進學我朝文治光昭上際下校

重熙世德

景祚延光自

太宗文皇帝天聰十年始置內三院於

盛京釐定官職

聖祖仁皇帝康熙八年改設內閣增置翰林院於是
嚴教習之制定散館之試優甄敘之階雖其職
司較殊唐宋然登崇俊彥不以藝術雜進則視
前代爲加重矣欽惟

皇帝陛下紹

聞繩

武寶構洪寧鳥譯狼歌面內向化炳疊旦之禎暉際

三登之上稔

紆眷詞垣先期營作儲才勵品焜耀

璇題乃以今甲子三週之歲上稽乾隆九年

盛典揆辰涓吉

臨幸翰林院

錫宴

賦詩

行慶施惠誠千載一時之嘉會視咸平之幸崇文院
宣和之幸秘書省豈可同日語哉臣伏處鄉井
弗克躬襄

上儀夙夜縈依心懸霄漢竊嘗聞宋臣蘇軾曰納之
於英俊相從之地觀之以世俗不見之書非獨
使之業廣而材成抑將待其資深而望重臣通
籍卅有餘年游直

綸扉毫無報稱誠自知翰林稱職之難也以自知稱

職之難愈以期夫各勉於所難以稱其職朱子
所謂一日立乎其位則一日業乎其官者願諸
翰林共懍懍焉謹獻翰林勵職詩一首其詞曰
紫霄玉清昉昕宸宇樊桐板松是闕書圃掌建六典
稽謀自古麟閣蘭臺有翼其所條系篇目經筵史譜
乃簡鴻碩典校文簿班揚政駿聯華榮伍承明之廬
奉常之府執青珥彤星班雲旅秘監中書肇啟典午
給舍承郎以次選補武德之初文學衙衙天策羅英

超躋瀛嶼貞觀開元史館是貯司文貼職並儷藻黼
集仙集賢清階標樹改設翰林延登儒侶北院南院
殿衙禁籙五傑三直星聯緯聚爰臬趙宋兩制迭主
三館恢闕五題旌敘校理編修接踵布武巍巍玉堂
芝楣柏柱紅羅飛白宸毫署戶劼毖邇聯贊揚天語
燃窗擇笏篤膺恩詡棘序槐衢叅聯展宇清資華貫
代掄英巨修撰應奉惟才是予粵天順朝遴諸貢舉
進士起家卽叨擢處培根竢實俾成枸榦大栳細栴

是中斤斧藹藹吉人爲公爲輔

天錫

聖清登三咸五諫木式表衢尊酌醑露零蓼蕭畝棲
華黍蘋莖素毳朱英翠莆綿宇同文歌虞贊禹

皇帝祇適

重熙秩祐

乾闥坤澤光昭

茂緒百度惟貞萬物咸覩罄

天所冒莫不煦嫗均禧九域東垣西圉燧堡烽驛懸
戢偃櫓日表地外廬集環楮賢關肆啟飛車揚羽擴
額蕊榜有來舉摠博選芸局餽之重脣懿此秘署麟
洲鶴渚是營是度增煥舊堵有挺有閑聿新樅栢
辰駕篤碩

天臨日煦侑葆導前文袍緋苜敬一之亭納陛齟齬
纓綈左右蟬聯綵序廣樂三合鏘洋鍾呂鈞籟敦和
叶氣率溥何

賁子之金盤玉俎又何

賁之霞漿露醕雉扇晴輝貌鑪芬炷

天儀澄謐薰歌樂渥乃載賡歌敬殫襟腑饌玉牋花
熙盛歡懽

駢貺沾洽歸鞍筐篋已事而竣珩珮興俯煥章建閣
遊凱列庶揆古方今奚足比數韋綬纓袍令狐蓮炬
一時之盛厥施未普詩咏薪樵易筮茹旣邁

昌會疇甘燕沮

皇帝曰都承汝俾汝斯謀斯猷命作心膂厥邦厥民
用作霖雨美在久成志以進取博文約禮大哉

宣父好學晞顏原道肖愈論思所資無有隆竄許身
稷契安問房杜本仁祖義發於音吐導源典謨何有
燕許直毋蹈愚正毋蹈腐無廢學殖而狂惟魯道德
爲綱書冊爲咎毋泥方音而疎訓詁羣經紛綸微言
決剖毋習輦悅而工纂組溫飽非志邁征孰禦毋限
跬步而任莽鹵譬彼嘉禾不儕齒蘆譬彼喬木不植

客土入則勵翼出則拱扈不懈於位三霜十暑大猷
是經遐福是與日贊贊襄是企是佇臣以樗材早廁
蕃鉅皓首歸田猶叨廩庾瞻眺崑閬攄忱毫楮矢音
勵職爲翰林矩

駕幸翰林院詩謹序

莫晉

臣聞躔分奎壁圖書煥乾象之文字闢卿嬭策
府闡坤珍之秘翰林逼華蓋蔚爲四海詞宗香
案侍玉皇望若十洲仙吏自昔馬門待詔摛麗

藻於嚴徐虎觀談經振英聲於班賈沿及開元
之代始稱供奉之班入東閣以宣麻掌北門而
視草署題有宋勝懸飛白之輝箴製前明碑發
汗青之彩莫不趨蹌鎖院啟沃綸扉雲橫七寶
牀邊風動五花筆下我

國家定鼎凝

命敷賁觀文坐元扈而披圖登具茨而訪道

聖祖倬章河漢

丹毫流綯乎槐聽

世宗開第康莊吉士沐

恩於芸館迨我

高宗純皇帝

嘉稽古論思之績

賜集賢清秘之名

大統九年小春十月爰飛鶴蓋

特幸鑾坡

鎬飲那居堪露渥晞陽之澤

虞歌賡拜卿雲聯復旦之吟篆勒貞珉典儲瓊笈猗

與盛矣喬乎皇哉欽惟

皇帝陛下運洽龐鴻化光適駿緝熙純嘏率

祖攸行保合太和得

天久照珠囊宣耀環十景於

堯襟玉鏡裁儀運八紘於

舜抱丕冒乎海隅出日大亨而天下隨時千羽兩階

誕敷

文德簫勺羣慝載纘

武功鴻漸達而咸奮羽儀魚縱壑而難名浩蕩乃

眷詩書之林府聿昭黼黻於

巖廊潤色維新

憲章由舊於我渠渠乎夏屋旣摹大壯之爻衆人熙
熙如春臺更荷太牢之饗時則

姬齡肇錫

軒紀重週無私而

德奉三妙契函三於太極有截而圍式九上符用九
於

乾元降婁紀辰夾鍾應律微風似翦新月如弓鸞聲
揚

北闕和鈴鳳翼轉東郊

翠輦星馳萬騎草藉萸承山立千官鳧趨雀躍肅
穆冠裳之隊氛氲翰墨之場瞻

天而五色雲濃就

日而一條冰暖庭花綴露映

丹展而光浮苑樹籠烟拂金鑪而香散幔城綺合影

搖粉署之朝曦石瀨鏘鳴韻雜銅壺之晝漏擷

學海文江之秀二酉森羅發史箴經庫之藏六

丁擁護周情孔思杼軸

宸懷夏鼎商盤摩挲古篆爾乃筵排雁齒甌瀹龍鱗

仰南斗以酌斟列東榮而沃洗畫純敷席

尙方陳有踐之籩鞠脰稱觥下拜祝無疆之

壽瀛樽嶽豆器溢圓方饌玉炊珠珍兼水陸張九奏
於洞庭之野開闔陰陽舞六銖於廣寒之宮周
還風雨椒臺氣婉

睿覽微怡蕙圃光遲羣情畢暢

大文郁郁

聖謨洋洋麟管煊爛濡

帝鴻之寶硯

龍章炳煥揆

葛天之奧詞律採唐賢如輻共轂韻諸漢製若網在

綱

始作以成上戴

高而下履

厚式歌且舞

君鼓宮而臣應商

兌澤宏宣不數賞花釣魚之詠

需雲溥被無非謠衢擊壤之音君子有酒旨且多詩

人之賦麗以則越六十年而逢茲

盛舉宜億萬載而播爲美談也

臣

技劣雕蟲識拘窺

豹欣瞻

顏咫隨羣彥以觀

光蔑報毫分矢微忱於獻曝奉揚

鴻業敬誦周宣復古之篇勉竭蝸吟殊慚元結齊天

之頌謹拜手稽首而獻詩曰

皇帝御極

景運重熙

出震齊巽

參乾兩離梯霄構宇罄地侔貲璣衡七政玉燭四時
風雲律呂河華城池萬民是若百工允釐推置心腹
淪浹髓肌信孚翔泳化感昆蛟門賓穆穆基弼丕丕
肇修

曠典式懋

前規

龍光燕笑惠我嘉師翰林清秩經訓畚菑徵文考獻
天子是毗瀛洲決濟蓬島欽寄

西清夜直

東觀晨窺花輓步晷蓮炬燃脂院局鈴索座擁臯北
鶴綾帳展雕錦袍披珊瑚寶軸玳瑁金羈毫簪不律
珠綰摩尼

紫宸秘殿鵠立鱗差

動言必記獻替攸司粵若

高宗

文命祇台九載底績三考成資迎韶陽月流愛冬曦
翠華旖旎羽葆葳蕤

駕臨冰署溥暢

鴻施雖啗鳳翽嘉旨魚麗

宸章雲布

睿藻霞摛玉堂典故百代昭垂惟

聖時憲我

皇受之先甲

渙號如綸如絲爰徵般爾爰飭工倅爰勤樸斲爰塗
暨茨岱巖松檜楚室桐椅丹書藻飾沙石磨治虹軒
累翼烟幌重栢延薰鏤檻棲景文櫬階瑩礪礪屏捲
采恩彬彬墨客結駟方斲綬拖銀艾佩紉江蘼漁畋
藝苑斟酌書紈言泉妙涌談塵輕麾牙籤綳帙校勘
忘疲泰爻初九數台陽奇地奮甲坼天開子滋管灰

應卯斗柄遷寅三英舒莢片月浮眉中和令節

遊豫斯宜

闐闐曙闕暘谷晨熹

八鸞噦噦四牡駢駢方鉉左纛錯衡約軔騰驤沛艾
蠖暑穆纒摩空隼罕蔽野霆輜虎夫驍衛猛毅鬣鬣
騶牙豹尾拏攫躡花紫

仙仗柳拂春旗潭潭詞館在河之湄迎

鑾望

幸鵷鷺委蛇駢衍必路整弁端綏濟蹌表度炳蔚凝
姿森然拱

極肅若傾葵

六飛莅止颺舉波隨扇颺彩雉蓋轉華芝宮牆數仞
親謁緇帷秩宗奉引

至德謙撝昌黎文伯八代起衰坎其社鼓

遣官告祠明禋載歲

乾步星移旁皇周覽

輦道邈迤崕峒

聖碣岫螻

神碑蟠以蟲
黿負以蛟螭

奎鉤

羲畫煥爛芝楣柯亭聳峙劉井淪漪沙隄綿亘方塘
渺瀰老槐敷蔭古柏低枝翩翹紫燕睨睨黃鸝景妍
氣淑

茂對情怡幕張翡翠簾展琉璃案排青玉几列烏皮

浮花雪碗淪茗冰瓷嫩濤初沸甘露如飴太官法膳
湘之釜錡和羹用傳負俎來伊丹穴之鸚大宛之犧
洞庭之鮒東海之魴駝峯蛤柱豹豢熊膈青精散屑
白粲翻匙昌菹木酪糗餌粉餐三漿沆瀣九醞醑醪
醇醪浮蟻凍醴流澌下拜登受式宴以綏王林百禮
典之者夷周規折矩肆夏采齊傍覘紳鞶俯察履綦
初筵有秩屢舞靡儼洒如溫克莫不令儀鏗鏘鈞樂
掌之者夔笱虞膠輶簫管啞呶絃調舞鶴磬戛鳴觥

宮參九變籟合萬吹允喈交讓協應璫璫韶光淡泊
畫影斜曬霓衣飛絮拂面柔颺羣臣醉德避席興辭
天顏有喜陶斯詠斯漢唐舊製分韻聯詩

集成聲振

大筆淋漓雲斤月斧造化鑪錘琢磨

帝範敷錫

皇彝太和醞釀沁入肝脾盈廷屬和枚速馬遲如裘
聚腋如臺累基語穿一一歌貫纍纍拙慚刻鵠巧謝

探驪望洋向若不見津涯雷門難歧布鼓空持鼇戴

山抃舞蹈

丹墀呼

嵩祝

華稽首陳詞昔年

嘉會五紀於茲道光

作

述

幬載無私臣等何幸渥被

恩慈請賡

天保用介

鴻禧

皇帝至誠

夙夜密基燭烝馨烈昭格

神

祇

瑶壇八陛

紺殿三壇升中殷薦

躬奉明粢

天錫

聖祉河洛瓊琦膺符泰筴握圖翠嬀階平台輔璧合
舒義騶虞在囿鸞鸞鳴岐

皇帝至孝篤敘肩仔

橋山弓劍優渥慕思省牲九俎眡濯六盥

實錄

寶訓丕式嚴惟

天錫

聖祉

眉壽期頤萬年承

祐千春晉

祺麟趾德厚燕翼謀貽

大宗屏翰弈葉蘭猗

皇帝至明若采疇咨懸旌彰信設鐸稽疑

軒鑑照膽

似鼎鑄魑洞若觀火區別妍媸

天錫

聖祉吉兆龍鵬星聚賢俊嶽降英奇田生玉暖水掇
珠遺草蕃屈軼樹挺珣琪

皇帝至仁噓枯起羸廩頒紅粟帑發朱提有龐者老
暖帛飽糜有髫者幼含哺嚙嚅

天錫

聖祉嘉種秬秠禾駢九穗麥秀兩歧在金則穰在木
無飢昞昞原隰翼翼京坻

皇帝至勇電發雷霆

指揮旄鉞

駕馭熊羆伐鼓淵淵出車伾伾鼎魚穴蟻澗斧膏鉞
天錫

聖祉臣服邊陲狼荒烏滸日逐月支水鄉泛舶山國

乘櫬屈膝厥角不假鞭笞

帝曰欽哉予其企而難諶惟

命思日孜孜履冰集木二雅所祇

天工人代汝翼汝爲譬若元首賴彼四肢構茲大廈

惟棟與榱交修不逮左右匡維靖共爾位無荒於嬉

禮園翔步義圃耘耔緒尋濂洛源溯孔姬淑芳傾液

口沫手朕道因文載行共言危寅恭勵翼忠告切偲

納約自牖有犯勿欺豫和上下履別尊卑儉敦絲素

好協衣緇丹書授呂洪範演箕甘棠憩召綠竹瞻淇
軌遵坦蕩器戒滿歆懷澄虛谷量湛汪陂匪鏐而精
百鍊不虧匪璞而粹純白無疵志祛六蔽操凜四知
小廉大法共贊

昌期

微臣

陋質魯鈍如椎辨疏颺鼠學味蜚蜚獎飾

駑劣方駕駢騏素餐滋愧好爵虛縻鳴諧苹鹿賦忝
茅鷗瞻霄坐井酌海傾蠡

高深莫罄塵露奚裨仰惟我

皇

先軌適追譽髦德造

聲教遐馳養賢及民

恩以類推斗斟元氣樽酌中達油油

大澤雨沛雲彌南山

萬福長奉

堯卮

聖駕東巡祇謁

祖陵恭紀 謹序

王懿修

臣惟烝嘗禘祫爲植爲祫訓詁家聚議紛如而
山陵殷薦闕未之紀東漢而下始事陵邑甘露
降樹枯泉涌流史冊豔稱之然亦僅矣洪惟我
朝典章明備京垓萬億

列聖相承

高宗純皇帝御極六十年四詣

陪都

上儀疊舉自古報本返始懋著愛存未有如是之勲

且篤者

皇上嗣

創垂之

茂緒鞏保定之

昌祚錫羨延洪億載無量璣旋衡運適逢十稔而瞻

倬

鼎湖

睿思彌積因覽民物之阜康觀衆庶之悅豫習祥
時邁申敬

珠邱上以酌

祖宗佑啟之隆下以慰億兆就瞻之願凡諸

彝憲一如乾隆八年故事於顯哉溥海內外知

聖天子孝治天下緣情立制照耀來茲雖三五以還

郊饗宗堯舉未足以稱也且聞禮有五經莫重

於祭而祭以敬爲大昔舜咨典禮曰汝作秩宗

夙夜惟寅直哉惟清君臣相勗以敬也商詩猗
那曰溫恭周詩清廟曰肅雝祭祀主敬禮之本
也我

皇上本敬以考禮因禮以展敬所以凜美牆而昭對
越爲臣工作則者煌煌乎

盛事矣至於

鑾輿所莅望祀名山大川皆推廣乎禮以義起之規
原本乎敬以作所之意

在天默鑒繼

序不忘是隆禮也而

心法治法具焉臣備位禮官深懼弗克昭宣

朝廷之制作謹依古爲四言詩一章凡千有六百

言用紀惇宗秩祀之盛並抒踴躍歡慶之忱其

詩曰

皇帝踐阼運紹

重熙凝承在

德制度以時

天秩有禮迪民棐彝率

親率

祖敷時繹思紹聞

成憲惟日孜孜甄陶殷周超軼農穡

威稜旣懜

文治用禕百靈受職河海瀾漪西極昧谷東漸嵎峴

南燠丹徼朔耀幽陞寅紘所屆莫不覆彌

皇帝曰於惟

天無私惟予

列祖

謨烈載丕雲雷草昧締此

鴻基

世德作求襲慶延禧今

天子畀今

祖予詒

景命有僕予其肩仔曰

郊有壇曰

社有壇燔柴瘞埋罔弗親祠惟茲

二京

三陵妥綏昔從

軒駕瞻觀

上儀膺受

寶錄

昭鑒宣慈越今嗣服星回十朞敕功茂績受

天之祺精禋追報揆禮允宜爰

頒明詔爰

勅有司條疏舊典載謀載惟整肅

鹵簿葩瑤洪頤肆發

帑藏與地侔貲毋設儲侍毋擾耘耔凡諸供帳毋侈
毋糜毋俾吏民輸費銖鎰諏時練日

鑾御東移歲次旃蒙赤奮若支月旅夷則金商鼓鼙

帝心乾惕曰惟祇台諒

奉先殿敬告行期迺輶迺駕鏘鳴華轡駟皇驄駘駟
駟駟千乘萬騎繹繹伋伋寢威盛容燭耀尾箕
大澤滂漑露瀼雨施

玉輅所經擊壤歌詞瞻彼原隰或畬或菑方苞穎粟
糜芑秬秠屢豐告瑞嘉禾生秬

帝戒農官勤於胼胝西郊省助廛此氓蚩穀我士女
峙我京坻其蠲租賦用勸耕耨卒清侯約服離襪

弢弧弛弦脫劒桺鉞同我太平飽食騰嬉

帝謂置吏念此戎麾扞擷除道無乃力疲其優廩稍
糗粃用資繫彼蒙古盱盱睢睢旃裘酋長馳鞍健兒
九姓不靖自取瘡痍緬昔

造攻違者鞭笞是致是附是羈是縻迄今助順隸屬
無遺款塞職貢重譯嗛咿繫彼海邦惟高句驪鳳凰
城畔樂浪東曉濱於大海藉爲藩籬緬昔

撻伐厥阻入采克江華島田渡鑄碑迄今奉朔享王

肅愔蟪珠賅賁卉服織皮奔走偕至屬幕氊帷頓顙
樹領脰迓

鸞旗帷醫巫閭肇封有嫫孕毓瑰寶曰珣玕琪挺鎮
幽營六山亘透

帝親望祀神來宴娛北睇滄海積水天池巨流遼河
沖融渺瀰餘諸大川源合渠廝白山奕奕嶄巖欽崎
闔門朱果誕靈韞奇混同之澣松花之湄澄波靜壑
碧湛琉璃嶽公瀆侯羣物以孳

帝遣專官香幣分齋以次咸秩昭事虔祇天文地章
霽然開釗承旂翼蓋擁衛趨趨迺謁

永陵啟運屢屢

省山式廓荒作咀岐撫有橫甸

肇祖是治傳次奕葉

興祖康之

景祖

顯祖累仁嗣規

靈爽式憑柏蔭松栳

陟降庭止

四聖宅斯迺謁

福陵天柱高榑俯瞰溟渤微瀾平漪欽若

太祖擷衣載馳有甲十三

天戈指搗葉赫輝發望風倒披作邑於瀋削平嶮巖

觀文察變

國書昭垂

增建八纛煜燁旌綏誕膺

天命正位乾維

橋山弓劒守以熊羆迺謁

昭陵隆業嶷嶷渾河左抱遼水右迤洪惟

太宗統集龍鴈松山杏山俘寶升陟

躬環甲冑露沐風纏

恢綱振紐玉璽蟠螭冠服垂

誥上接殷姬古風鹿椅

儉德茅茨大白小白汗趨神騶黃蚪遶鼎鼻鼯磈砢
迺用大饗省鑊送盥梲炭房俎鼯鼎及鼯玉豆雕簋
數判偶奇騂繭在滌視牲簡犧元酒明水醴醑醫醢
圭瓚璋瓚薌合薌其展器告充

闕宮文槐近臣對引祝幣史辭

帝躬奉鬯執事翼隨樵蒸焜上樛燎蕭脂愰聞優覩
肅穆

聖姿五雲黻黼

神旂蜿蜒烟煜臍蠻

廟楹產芝以時修葺乃

命工倅規模備具堂廡奧宦至功臣墓玉罍金卮

帝親賜奠酬庸特貤勲名褒鄂圖畫麟麒爰莅

留都氣藹九馱實枚

太室鏤篆文棖尊藏

璆冊焄耀陽曦

帝心昭格篤祐受釐八門有伉濟隍崇陣

聖皇效法

天神

地祇清寧得一體洽高卑神臯鱗次學舍櫛比車服
禮器道溯

宣尼膠鬻廣額濟濟祁祁獻賦拜

賜文綺織絺曰惟

大政松棟雲栢八阿十扉來茹來咨曰惟

崇政當陽法離

文德武功

雙闕軒翹

清寧正中屏展采恩關睢麟趾左右掖持遺燈

勅設淳樸毋漓勤儉

家法

禹室界庠仲秋之月旦中觜觶惟日乙巳陽光升熹
天門詆蕩

仗肅蘭錡外藩荒服簪黻冠綦三公六官明聽翼爲

周親庶衆班列泝泝

帝御盛服袞冕玉璫

陞崇政殿羽葆琴麗廣樂殷磕肆夏采齊隆平慶平
更奏迭吹和聲依永典樂后夔進表

黼座

天顏霽怡

德音下霽如綸如絲

施命四方咸使聞知侍臣

賜級榮溢丞疑貴戚近屬

恩以類推匪頒犒勞白蠟朱提羽林壯士如虎如貔
屯莊庸調逋懸勿追

存問高年粟米絹絕肆眚園土祝網毋罹

慶覃合宙

化孚昆蛟凡有血氣含甘吮滋乾霽坤載寧有際涯
爰

錫芳宴黃幔

丹墀百僚結綬雍容委蛇膳夫品食酒正揚觶錦袍
上

壽稱觥介眉金懸抗聲太師歌詩舞行象德旄佾紛
被爲簾爲篋作鱗之而需雲宴樂湛露桐椅禮容合
節齋邀舒遲

錫額藩部輝棟承楣埏垓暢滂中外念懷迺耄

乘輿夙駕駉駉展謁

東陵孚薦潔粢

大孝備矣

祖武繩其祀事孔明旋旆

京師格於

藝祖萬福億禔

至德溥暢淪浹髓肌

九閭朝賀表章共摛奏

御嘉頌紛綸歲稔饗軒鼓舞鼙動中達向

日丹誠類於藿葵

臣

肄綿蕝夙夜矢寅

大聖制作無能測窺載歌

清廟永耀來茲

聖駕東巡祇謁

祖陵恭紀

謹序

潘世恩

皇帝御宇之十年握圖立紀穆穆眈眈蔭壤忭縑及

於單外負氣含生莫不鳬藻

德至矣哉

敷錫之福無陂不平平成之慶

昊綽來告白公輔卿士以訖耆庶奉軌承化詠蹈嘉

祥以爲

聖天子建

皇極而茂

昌圖將以孕虞育夏而有餘然且朝乾夕惕一日二

日萬幾曰欽若曰祇敬曰允釐兢業於

繼

志

述

事以丕顯

天

祖之庥命是故訢合之仁盧牟八荒三靈協儀五緯

効順凡夫愆陽伏陰划戾之氣胥灑澹於

太和翔洽之中川楚陝三省者定下際上蟠神人和

洽辟雍學校於變時雍蓋惟我

皇上德至於

天而

天不愛道矣

德至於

地而

地不愛寶矣

德至於

宗廟百神而

紹庭陟降

繼序不忘矣

德至於民物庶彙而春臺熙熙莫不成若矣傳曰天
地明察神明彰矣孝經援神契以德被天下澤
及萬物爲王者之孝然則非

皇上之紹聞衣德風夜基命宥密曷克以臻此顧猶
敬念丕顯丕承之

謨烈以祇承

彝憲

詔有司曰朕昭事

二儀禮樂咸備顧謁

陵之典未行爾禮臣其稽核以聞予惟恪遵

皇考舊章以迪光

列祖之丕基羣臣奉職奔走將事置樂旼景諏辰練

日以贊儀於

天子

制曰可乃以孟秋諏吉

啟蹕於仲秋

謁

三陵

駐蹕

盛京趨趨軫軫軼漢邁唐皇矣茂矣洪惟我

大清自朱果發祥

四祖肇造

太祖應運開基

神武定策建都瀋陽是爲

盛京

太宗繼統式廓鴻圖丹徼蒼陸震撼

威德

世祖定鼎統一區夏以

盛京爲

陪都

列聖顯承茂典具舉若其重城百雉之雄參塗九軌

之壯委屬渤海襟帶渾河考箕尾以朗曜跨長
白以永輦增桴重芟業業輻輳洵足以植

皇基而護

陵邑彼欲灋吐鎬曾何足以云

皇上乃展謁

永陵行

大饗禮

莅

興京邠館川原

皇覽敬慕乃謁

福陵

昭陵禮帥初

誠孝悛愾

神格來享禮成

車駕幸

盛京黎庶瞻就訢訢閭閻

皇上乃

虔祀

壇

廟徧於羣神藻山儀川之盛規

天矩

地之隆燦爛炳煥穆穆焉皇皇焉憲

先聖而齊敬乃

御崇政殿

頌

綸音申

舊典

溥大澤自諸王貝勒蒙古朝鮮外藩諸部釐贐苴茅

之封桐珪寶胄之裔稽首

丹陛軒轅

帝載承膏濯醴

賚以大酺然後存問高年蠲租

賜復

大德

達孝億兆同聲何其盛也夫八紘底平千羽兩階

聖武也九功惟敘三物均敷

聖治也珠躔麗正璧水詠謠

聖文也而皆本諸

世德作求以覃被於無外此

聖孝之所爲邁前古而獨隆焉夫周頌酌桓般賚諸

詩皆推本祖德以見王業之締造顧文武之樂
爲多而大雅皇矣下武瓜瓞諸什乃上溯后稷
公劉之盛生民行葦旣醉諸篇則又周浹深仁
及於臣庶以爲介景福而顯令德者如是其孔
厚然終不及我

皇上德巍文煥昭如日星所爲述

祖德而昭嗣服者尤爲極至也於是

典禮之盛扈從諸臣橐筆豹尾與雅頌媲美

臣備員

侍從

恩命視學浙江未獲恭與賡颺敢附天保魚藻之末

敬賦四言詩拜手稽首以獻其詞曰

於鑠

肇祖造邦東瀛

三聖嗣服幽岐是營金樞旦開紫寓鏡清

太祖龍飛電掃機槍截海正域規天作京

太宗廓之橫被八紘宅鼎卜萬夏韶大成

垂鴻錫羨赫矣

三陵一章

皇帝大孝祇承

列祖柏儀景員茶晷周廡曰自

仁廟三涖東土

純皇四蹕潔藻豐黍朕昔奉

輿躬贊簋俎又二十年迄今御宇秋怵其霜春涕其
雨敢不夙興恭繩

祖武 二章

旃蒙上秋

帝車東出六龍夾軼千官擁
趕鳳綏從風虹旌耀日
十色五光聚氣成霽鴈塞
霜筇榆關雨霽迴眺醫閭
浮青送白北臨渤澥瀾迴
鏡翕海靈嶽祇罔不徠率
三章

惟彼嶽祇奠以璧璋惟彼海
靈秩以元黃渾河巨流
松花之江峩峩白山鍾秀
誕祥皮縣騶辜或遣或

躬高烟晨爰靈旗畢降天晷仰澄扶桑登光來來

嘒嘉我瑄薌

四章

百神既秩諸藩奉軌蒙古毳裘朝鮮象弭載駟載輿
驟山驟水驪河之旁鵠立駢趾

帝曰休哉爾亦勤止仰惟

列祖東撻西箠爾抗則斨爾徠則篚畏

神懷

德萬禩視此

五章

夙駕其勤

留都遂屆羣峯星拱百川環漚包乾絡坤體元則大
質明將事齊祓宿戒牲牷旣省鬯卣旣漑玉瓚流黃
雕弧飾翠珠璣仁粒醴酌仙瀼凡百職事祇恪靡懈
六章

乃謁

永陵啟運之麓辟公贊承上卿執玉皇澗升芳神茅
用縮標訛大聳蕭光四燭金支秀華綵縹綸煜禮嚴

九拜儀辨六祝

福陵

昭陵以次禋格合敬則同舉典從朔

七章

穆穆

皇帝有睟其容煌煌

列祖昭鑒厥衷諒兮我聲歆兮我聰

凝旒對越致慤用虛

神之宴娛有祊靡恫翩翩翠旂宛宛飛龍罄地效釐

皇清詩集卷之二
敷天介龐

皇帝篤祐萬福來崇

八章

儀究禮明星回地轉載返

神京載覽

前憲八門碁布雙闕杓建樛流

紫宮赫昡

彤殿素壁月皜丹楹虹綯唐弓勁甲

神武如見鹿椅糠燈

儉德爲先偉哉

祖烈心儀目眷

九章

龍興佐命桓桓虎羆念彼功宗

帝親莫之口克勤王三勲則宜大烝之報格以明齋

其餘羣英雲驟颺馳帷幄霜雨鎧冑蝨蟣功在山河

名勒鐘彝馨香咸秩職在有司

十章

乃

御崇政乃覲羣后赤瞰升霄黼朗宇宙金鐘玉球山

繪火繡

皇帝南面高穹上覆司儀辨等侯左伯右漢惠之藩
句驪之胄鏡海一家輪裳在

宥咸拜稽首爲

皇帝壽

十一章

帝曰衍之嘉宴式開蕙肴實俎飛雲畫鼎天酒醴醕
如澠如淮百辟卿士莫不令儀下逮父老齒鯢背鮐
騰車賜醕歡聲若雷邁周鎬京陋漢柏臺式歌且舞

允維康哉

十二章

大酺旣行

大賚斯下文綺如雲精鏐出治高年粟帛康侯幣馬
增秩薦紳賜復扮社

蹕路免租鬻彥增雅虎旅抃伍雞竿植野蕩蕩夷庚
恢恢大廈

闔澤龐仁罔不被者

十三章

陪京之地厥號饒沃華實上腴陸海惟錯自我

列祖斟元錫福教以勤劬導以質慤至今民俗忠敬
如昨

帝曰欽哉無念

先覺激澆返本斲雕爲樸萬世永懷

堯腊

禹臧 十四章

行慶施惠惟

帝之恩觀民設教惟

帝之仁登閔虞姚邁往燧軒盪滌洪鑪甄陶八寅上

宣

重光下燾後昆愷樂之氣散爲卿雲

神人悅豫

天地暢欣恢我

祖德慶我

皇春

十五章

七月火流

帝車東向九月衣授

帝車西望燠

帝之絺挾

帝之纁巍巍

帝德踰流越嶂統協泰符復甄

靈貺朱草豐唐嘉禾茁壤考道空同遊心重闔於萬

斯年

儔載齊量

十六章

聖駕東巡祇謁

祖陵恭紀

謹序

謝學崇

龍集端蒙歲在星紀則我

皇上御極之十年也穹幹匝運

緝光重熙驅駟元化劈楫萬業畎流大道庶彙滋溢

五物枿行四瀆順情根著浮流不煩不撓乃

隆思纘

緒追顯

前謨闡繹習祥扶靈扈

輅以七月十有八日東巡

盛京展謁

丹邱百禮旣綏千禔旣集

臣

聞之至聖頤天以盡象

頤物以盡源頤事以盡情孝者天之經也物之

則也事之本也所以昭萬象通萬源類萬情治

莫近於此孔子曰聖人之德孰以加於孝乎恭

惟

聖祖仁皇帝肇稱殷禮

躬詣陪都

志敬節具

誠昭孝格自茲以還聿有常事六十三年之內

三舉盛典

高宗純皇帝

德澤彌洽率時彌勤

幽岐之館

鑾輿四泣禮官之所斟酌從臣之所牒錄輿兆之所

謳索成

一代之鉅典振萬古之缺儀續乎若模繡靡得而

殫稱矣夫

儀志而治則

陟降接

繩武而配則

光烈遠

合漠從朔則三才之氣通

降命穀

祖則萬國之歡洽夫是以砰訇之聲耀煥之珍滂洋
乎無垠垓充彌乎無纖孔攫齧博網之獸鮮辛
螫猛虻之蟲啗東鹹西淡南污北曠之壤苟含
齒戴髮目視而耳聽者莫不漸淖元氣呼吸淳
化勅倫循摩宴虞提尼於

上聖龐鴻覲影之中而不自知也抑又聞之橋山墮

髯實始龔兆濟蒼以還益隆松隧元辰臘祠之
紀游衣薦服之文具載往牘徵爲上儀彼皆地
不越畿甸途不盈千百朝發夕至若戶闢耳然
猶畏劬劇恹財費憚趨事神靈曠而不省子職
渝而不修彌禩閱代暫牖厥志遂已鋪登舄弈
誇美孝則若夫

本朝

三陵之建也闢位於斗樞紐根於艮維蓋天以西開

地以南側惟東北之方擇挺二大播衍五位易
曰艮東北之卦也萬物成始成終所以權巽布
震平坎出離翕張坤門綱幹乾始故長白之崔
巍三江之涵輪其基踵案演靡迤嶠互雲霧閼
其神理林藪苞其瓌奇固已監亥不能步伯益
蔑得而計矣此地脈浩汗博特延遠遯澗所以
俯九有如一塊奄函夏而有餘綿千萬祀而無
疆竟者也逾遼挈營帶濊貊而禱息慎經途超

遙距

京師者蓋千五百里而有奇焉

皇上樂豫之無遑夙夜之不敢康

繼序紹庭

顧諟日在防惠震澹尙以身之不親則心不申目之

不營則思不凝雲行風驅格於

寢廟禮探乎情

孝亟於欲

舉動若卜筮祇承若

庭幃蓋內盡乎志故外盡乎物豈復七十二代以下
所得睎夫末光寸爛者哉況乎

純皇帝癸卯歲之覲

陵也

皇上追陪

瑞蹕並薦

嚴馨

純皇簡焉

列祖耆焉

天地百神享焉遂以

守震符

凝鼎命

位德元

膺鴻庥蓋冥默肸鬻

諄命昭注眷焉西顧爲日久矣若然則

儲精遊神于穆清之中歆歆氤氲以

躬承

精禋

面稽

上靈報告

嘉胙厥道懿凜邈忒離越聲臭

熙事殷盛

尊履絢煥豈足以盡之肇悅陰栗粉繢巢燧烏足以

狀之

帝儀暨

饗朝渙推

慈邃坐中天之幃

普肆隨風之澤

顧懷時億

祈命惟永

圓儀甄況

方澤煇神首山河渚之間必有銜苞檢圖尋

盛德而降應者焉可拱而俟之也夫

大寶瑰業佛時單心皇皇如此

昭明協贊民祇與能焯焯如彼

禮豐故美博

道懋故慶遠潤色騰策藻被歌頌稽之前古厥有常

典不可輟也又況

臣

官翰林職在文字謹拜手

稽首獻詩一篇

赫赫

列祖有命自

天肇域東夏受

錄乘乾

右啟我

皇世武重甄丕承

燕翼懋篤瓜綿餐挹繁彙敷領紘縕中成範合

帝迹衡平

隆恩繼序遐慕開先宏稽憲典載紀圖編重來漢樂
程畢周篇練時涓日建羽鳴鞭櫛星駕駟明月載鳶
前驅豐御侍軫僑佺鈎陳旅萬周廬且千

鑾迺靜衙

蹕路安便吏不知頓工不失屢望塵瞻衛歡謠溢闕
言竣

留都厯覽瀛壖松花臨水柳條極邊鳳凰容與鐵嶺
崇巔襟遼帶瀋尋源導涓裁基辨域規方抱圓不咸

母閭祥盤鬱芊朱果爍煥靈鴻裔躋輝發葉赫虛鼎
南开公劉臻奮夏后姚騫彪光箕尾景係幽燕

真人龍興封鯨去鷗十三勁甲靡衆摧堅戡定厥武
二京建焉雲蒸豐沛墨食潤渥

堯棟層構

舜階次礪蹲鴟邳偈伏獸鈴鍵

法宮珍館蘄濩蚺蜺輔畿置尹官府參聯

鴻規圖度萬禩開挺緬懷

締造上律下沿慎徽祇通

皇心儼然迺謁

永陵

啟運隆遷吐納鴻綱疇拱乘邇揚魯卜兆

穹壤神淵孔彰肸飭彌念胝胼迺謁

福陵

天柱霄連始建

元命稜威執權一麾斧鉞肆靖戈鋌獵衣騎擷書木

門懸詩歌長發踵昔光前迺謁

昭陵

隆業經躔

文謨淳耀

武節焱挺

疇咨惠養誠儆矜儼共球翕集

神功永鑄大白小白石立金韉趨趯徠下雰靄周纏
充奉三選陳圭薦蠡有潔在俎有滌斯牲麒麟表宇

銅龍刻枿

塗璜佇慕景眊精專

天臨介貺紫雲渥煇瓊芳鏤跡日瞻

寢挺長寧實勝旌徊旆儻仰奉

甲矢若凜杯捲椅惟鹿角劒匹龍泉依韋洞屬合莫

昭宣

上靈默契心符璧璫逸勤胥及圖貌凌煙陪塋

躬酌郇畢閎顛嶽瀆咸秩公侯視詮粉榆祭社堦垣

式蠲祀事孔綏利成已竣遂開

明堂輯觀溫瑄

篤恭聳極

清寧翼扈

繼思綿邈

文溯回旋同揆

前聖儀型勿愆四方來賀陸屨浸舫臣僚羣計襲貂
附蟬侍子陪位步玉鳴鎬三韓執壤百濟奉箋耐珍

助寶充庭接筵戟戟旗幕

次殿張旛旒旗颺烈綴采璘扁止鐃合祝鼗鼓蕭蕭
緹醴盈尊形撫實籩朱干玉戚雲門大卷旣燕乃射
扉獲告純蘭唐蕙圃札徹枝穿承

恩侍

寵分曹序賢陳詩協律奏頌懷鉛

皇情綢繆啟啟軫軫載旂首道弭節言還交屬井邑
鋪棻術阡周斐乘屋威呼刺船法喇在庑斐蘭控淵

實儲實俟以漁以畋見素返質華僞胥捐岐原飴堇
幽民獻豳規撫有俶率履無偏

仁化上瀝淳風廣扇草木咸若菴蔚叢駢松實鱗次
濩形夔跼榆星拱列材軼楠楩效靈備物玉潤珠蟻
期應象示

膏流澤湔

酬庸渙號祛瑕授銓

予租九穀

賜秩千員四校七萃飫給裝錢大凌垌牧執陟駟驄
遺風躡景侔色標鮮雕關屏蔽澄海樓櫓

天章煥采漢挾霞褰陋彼封禪非惟獮田昌詞明稱
侑

饗告虔輝光啟睟福祿聯翩鈎鈐朗宿瑞鼎浮川
天子篤孝令聞延緣妥綏

眷顧

欽翼仔肩民氣歸厚閭俗瞑蹟

京師翊翊雲被淵旋

一人戢穀四字庥延佻正嘉吉臚句賓傳

小臣

拜手

敢告豐全

聖壽申錫於萬斯年

聖駕巡幸淀津詩

朱琿

天拱

神京萬邦作父朝宗赴壑川瀆咸位津門大都國之
左臂解裔跨躡河間枕輶轂薛崇墉屏翰爲衛

皇帝繼統道安平泰鴻藻諧變羣后旁戾畿𦉳扇慕
喁喁懷懋繫鰲之忭繫鶴之跂卜征習祥上煩

紫軼典惟省春功惟趨事序籥載更觀風展誼海河
揚汨尾閭所界鯤溟浮天限隔中外南運北運兩已
相背爭趨三全宛渾膠盭強潮牴牾倒漾而退淀以
言淺澱洵同字東西迤分判若涇渭滙瀦清河七十
有二丁沾下游矧矧來會累頭治水桑乾先派班氏
猗氏經途霍濟及石徑山噴薄逾大潁焉洶洶隱焉

磴磴策城新張闐淤墊隘至元以還迄乏寧歲子牙
舊村渾流獨異淦陽滹沱盤盪連綴酈生注經口乃
稱滅中亭開通滅洩玉帶邊家呂公港汊駢坌杜曲
擣毀塞控則害膺膺周原宏隆畛畷誰瀉鱣濤克安
燕薊

皇帝曰吁予主神器

列祖降鑒實惟子畀豈予敢怠貽我民癘曰若稽古
刻玉修祭禮師沮洳五老掌鯁沉書日昃圖納金鎖

鑿虫鞢湛攘剔茅莠童律之徒制其水恠蜺輪罔象
搖尾受欽遂布獻令元唐大貝吾

皇懋惠連驟萬代鞠人謀人

六飛臨泣肇謁

橋陵樞衣登拜仰邀

篤祐振闕輪滯臍蠻孔皆烟郊轉旆

辰旒葩璫蹀啟容裔倉庚始翺綵駟初噦嘉卉萃蓐

雜英醢醢以承

宣遊照爛紛纈盧溝橋頭涿鹿城內紫泉占勝踰乎
趙際灝滌齋潏紆青拖翠柔颺送艇

天顏有喜蘇簿居敞琴高祠麗遂係揚芬相鳥遙賁
澤元告翁將殷剗珥祝史駿奔盆簪盤敦

上奉都梁泔淡三酹靈迎連蜷來濟來嘒呵護

吉暉陽開陰閉

御臚東指析木躔次

躬勤勿憚易舟以騎交衢洞達遠極滄棣曠乎縣野

芒芒黠黠楸遷帶鬻馬筴彊霸與國富國霜凝雪漬
鯢齒夙角倚裳聯襪頓首道旁簇擁

仙轡允服

聖衷爲熙攘計

周覽隄防揣形量執有溜斯扞有沙斯汰隋陋空
絲聯櫛比樊輿樂城千里迢遞厥土五施毋虧一簣
垠鏐岬岬蟻何能潰礫礫二壩捷地興濟增卑培薄
頽砒勿替枝流涓如匏葉堪砒於礫

許謨神明合契倂工經營泉府

頒幣棄窳就攻藝鼓不掘金甌用鞏三輔永賴營田
倍饒茂挺雙穗關中涇沃鄴下漳溉史起鄭國趲起
奚議承矩建策塘灤修治論定從今洪甿

大智辛酉孟秋霽霖破術

帝用殷然諸道

命使持節發倉拊循凋瘵宿逋全罷籽糧預貸灑澹
鴻恩莫不霽霽

雩壇禱祈赫戲開霽樹渠封溝屢

救曷吏

黼座運算劬劬匪懈言遵畿南

省方親詣若指掌螺登閔

宣示緬惟

仁皇因時調劑永定

錫名雄碑睥睨長堰保障纒屬如蟠緬維

憲皇稜威遠泊賢王奉

詔淪濬殫瘁燒不暇攢濡不給投探穴獲符纖悉必
備欽我

純皇道尤惇懿灤源濡源

訂舛詳諦權重度輕興利除弊牖鏹駮駮牆祛壅蔽
由丁迄甲

翠華五至

康功曷弈

昊穹克配吾

皇時幸蓋章

先志降籙觀泉容刀玉佩昔固幽基旁卽鞫芮繩

武作求

荃宰有寄河瀕海壖綺分闔闔

深宮抱蜀高櫟

陞制五韙胥敘六氣無沴滂沲長波縛不尋肆蟪衣
鼃鼃寧憂土敝春人熙熙皆

皇帝賜施以槽川泉繁畎澮齊剗白馬壯我嶮介根

食播奏遺秉滯穗膏腴斥斥皆

皇帝惠

帝賜孔厚

帝惠不費

綸旨重巽輿情孚兌迺

剪錫福龐洪大賚馮翊扶風免所過稅黔黎負暄蹈
舞絳繚存問長老粟帛兼饋上庠下庠洽及台背祖
構之士各樹其幟曜質摘華含醇蘊粹拔十得五羣

雅鱗萃肆赦雞竿官聯起廢渙濁輸寫恬怠掄棄類
濯自將庶司逾勸式燕示慈觴豆餠饎炙魚其夥清
醑其效張醕設尊詩歌旣醉

仁覃義浹

愷澤醲穡

帝益單心恭儉寅畏師乾法坤能簡知易供張不煩
閭閻毋累鎧船綵旂先期翦薶儀鸞鹵簿肅肅萬隊
力役烝徒優加常餼趨趨玃罔識勞勩從臣祇整

苞苴垂戒于橐于囊聚糧持糒行李往來敢供屨屨
斲雕爲樸

聲溢陬澁萬懽備臚景燦靡旣行慶具輶講武亦肄
周詰戎兵韎韐分隸地吸天動風馳雷厲輻輳捷獵
桓桓果毅貔貅羽林奉揚

迴蹕遂憩

南苑甸蒐緣例飛罕浦箭鳴鏑銑劇聯猱駢瞿羈結
置尉迄風迅掃射夫舉柴振旅旣行

京師爰屆

端坐紫闥廓達無礙

巡郊上儀柱下紀識方岳肆觀粵在虞世同其律度
正其權概中璋邊璋成周典記入疆則慶兆姓未逮
皇帝至誠無私覆載申問疾苦鞠爾孩穉推食以食
解衣以衣詎遠而忘詎近而泄九功勸課車服明試
百源宅隩安於帶礪求寧觀成副吾

皇意發抒

皇清文獻通考卷之三
至藻雲蒸霞蔚陽伯儀伯賡和

聖製僉曰休哉民之攸暨遨嬉太和性命各遂

光顯丕冒日域月竈魚頡鳥盼斗極共戴西旅貢獒
越裳獻驚條支大宛敬關欵塞宙合在宥時雍格被
擗染

化原芝榮醴沸謙而愈尊劼而愈愍遂深

九重感通

帝謂來冬祝

釐瞿瞿廩廩抵璧藏珠虛泊斯貴惟切喚咻

保赤舒愛莫麗厥居懷柔時邁臣職簪筆恪恭從侍

嘉頌允猶

彤墀颺對億萬萬年太和成瑞

應

制題項元汴墨蘭

于敏中

葩經多識羌獨遺蘭彼芄蔓生假託以傳箋釋異名

鄭風秉簡微和之圖孰識真詮馬和之鄭風圖猗此

卷溱洧篇幸存

幀中墨林之墨落筆超塵國香不飾綠葉紫莖騷人
賦色詎若天真蕭然自得瀛湖之瀆閣倚天籟錦暉
玉池古香靜對鑒別餘閒含毫有會寫此幽姿殿彼
羣繪不印斯印非題卽題

冊中各幀雖無元汴印
記得此足爲鑒賞之證同

心之契默與古稽如彼親賢一室思齊

天藻揚芬渾然端倪

應

制題李廷珪古墨

金士松

神守回氏製傳易水曰珪承超先奚後李良玉侔質
犀文辨理烟劑龍香霜凝麟髓萬杵曾經千年不毀
釀雨

志喜

應

制題漢億年無疆瓦分體得四言一首

阮元

億年曼壽永保無疆瓦傳自漢語協於祥繩紋半面
繆篆雙行二千年久十萬歲長旣卑銅雀復壓香姜
款非鄮國字異未央物必有偶合不毀方

天藻重灑

墨雲共藏

慈竹春暉詩四首

謹序

彭啟豐

我

皇上仁深錫類歡洽羣心每顧在廷諸臣輒申教孝

之義乾隆十六年閏五月十八日

詢問

臣

母年齒

臣

謹以實對

特賜慈竹春暉題額

臣

銜戴

高厚感荷

榮施睠慈竹之依依仰春暉之藹藹勉同萼潔藉慰
烏私謹述四言用抒微志

檀欒疏影映于清池紫莖颯颯翠實離離白雲在岵
倚閭長思豈伊幽逖

天日照之

母勗義方非耽榮祿唯竹凌虛稟氣之淑抽條布枝
直而不曲臣節在茲敢忘儼慤

彤雲冉冉爛其陽春自我北闕覆此江津白華比潔
南陔是循養不在腆唯敬克伸

以綏福履以永春暉鳥鳴朝莫花開四時扶筇日涉
簞簞露晞戒爾在官夙夜無違